


中國方志叢書·華中地方·第四六六號

據  
永樂大典本  
影印

江蘇省

# 蘇州府志



565716  
成文出版社有限公司印行



\*10098008\*

中華民國七十二年三月臺一版

# 蘇州府志

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第243號

永樂大典卷之二千三百六十七 六模

蘇州府十九

冢墓

蘇州府志周禮。墓大夫掌凡邦墓之地域而為之圖。後世無有也。然想牧  
有禁發掘有刑。則著于律書。吳由春秋而下。數千載之間。墟墓猶有存者。  
於是類古圖經之所紀。而以宋元者附益之。俾世世有考焉。 正威墳吳  
地記云。在長洲平門東北三里。正威商大戊時賢臣。是為正門。故為正威  
山。按越絕書。虞山正威所出。離騷亦云。正威。說者以為古神巫也。正威冢  
在長洲縣海虞山上。咸殷賢臣也。本吳人。子賢亦在此。見史正義。 吳太  
伯墓。吳越春秋云。太伯卒。葬梅里平墟。梅里今常熟縣。史記正義引括地  
志。太伯冢在吳縣北五十里。無錫縣界西梅里村鴻山上。去太伯所居城  
十里。吳地記又云。太伯冢在吳縣北。去城十里。未詳孰是。 吳君仲雍墓  
史記索隱云。吳地記曰。仲雍冢在常熟縣西虞山上。與言偃冢並列。袁宇  
記曰。虞山有仲雍齊女墓。東是仲雍。西是齊女。梁昭明太子招真治碑云。

東望仲雍而高基蕭瑟傍臨齊女而哀壑蒼茫碑刻尚存而墓今不知孰是吳地記仲雍墓在海虞山東嶺言偃墓吳地記云與仲雍墓並列在常熟縣吳王閭閻墓在長洲縣西北吳越春秋閭閻葬於國西北穿土為山積壤為丘發五郡之士十萬人共治千里使象捷土鑿池四周水深丈餘銅櫛三重頤水銀為池池廣六十步黃金珠玉為鳧鴈扁諸之劍魚腸之干在焉葬之三日金精上揚為白虎據墳故曰虎丘越絕書云閭閻冢在昌門外名虎丘下池廣六十步水深丈五尺銅櫛三重頤池六尺玉鳧之流扁諸之劍三千方圓之口三千步即勝之北也魚腸之劍在焉十萬人築治之取土臨湖口築三日白虎居上故號虎丘漢劉向疏云吳王閭閻禮厚葬十餘年間越人發之吳地記云秦皇求吳王劍虎復踰焉遂走二十五里而失因名其地曰虎踞唐避諱為許驤相傳墓即虎丘寺法堂基也吳王夫差墓在陽山越絕書云越王棲夫差於餘杭山去長洲縣五十里又云夫差冢在猶亭西卑猷位越王假干戈人以一螺土葬之近太湖去縣十七里吳越春秋云夫差既伏劍越王以禮葬之秦餘杭山卑猶亭亦葬其傍吳郡志史詩正義夫差棲於姑蘇山時戰西此敗於干遂十之遂作陸在蘇州西北四十里萬安山有蓮山吳王

冢越絕書蛇門外大丘。吳王不審名冢也。去長洲縣十五里。又越絕書築塘北山者。吳王不審名冢。去長洲縣二十里。匠門外。攏溪濱中。又越絕書胥女大冢。吳王不審名也。去長洲縣四十五里。周章墓。按郡國經。周章閭閻長子。墓在常熟縣海虞山上。吳王僚墳在吳縣西一十二里。卒等山西。慶忌墳在吳縣東北二十五里。吳王僚子也。今云慶墳。見吳地記。按御覽引吳地記云。在長洲縣齊門外。今十四都有慶忌廟。齊女墓。吳越春秋云。吳太子娶齊女。女思齊而病將死曰。必葬我於虞山之嶺。以望齊國。閭閻傷之。如其言。葬虞山之嶺。吳女墓在長洲縣閭門外。按越絕書云。閭閻子女冢。在於閭門外。道以下。池廣四十八步。水深二丈五尺。池廣六十步。水深丈五寸。隧出廟路以南。通姑胥門。并周六里。舞鶴吳市。殺生送死。吳越春秋云。閭閻與夫人及女會食蒸魚。王前嘗平而與女。女怒曰。王食魚辱我。乃自殺。閭閻痛之。葬於國西閭門外。鑿池積土。大石為槨。題湊為中。以金鼎玉杯。銀尊珠襦之寶送女。乃舞白鵝於吳中。命民隨觀。使男與鵝俱入羨門。因發機掩之。殺生送死。國人非之。人取王時其地為湖。號女墳。湖葦宇記引郡國志云。王女墳在郭西。山川記云。大墓女名玉。墳在閭門外。御覽引吳地記云。閭門外女墳者。閭閻女墓也。石為

柳。歲金玉珎說。以人從死高墳深池。池水成湖與虎丘俱見發掘無所得也。朱長文續圖經云。一說素差小女。字素玉。觀父之過。憂國之危。願與韓重為偶。志願不果。結怨而死。夫差葬之閭門外。女化形而歌曰。南山有鳥。北山張羅。鳥既高飛。羅當奈何。志欲從君。謊言孔多。悲怨成疾。投身黃城。竊詠此詩。亦有深旨。殆此女生時所賦邪。南山有女。喻越也。北山張羅。制越非其所也。鳥既高飛。勾踐之威也。羅當奈何。夫差不可制越也。志欲從君。謊言孔多。謂雖欲從父之命。奈何其聽謊言而忘忠議。彼韓重之怨。燕魚之忿。殆非也。吳郡志。皮日休女墳湖詩。為青千春。已寂寥。可憐忠憤而誰憐。須知韓重相思骨。直在芙蓉向水濱。陸龜蒙。水牛渡溪遠迴。鵲狗人沉。萬古傷。應是離魂哭不得。至今沙上少鴛鴦。夫差義子墳。一十八所。在長洲縣秦餘杭山東。又號亞父冢。見吳地記。吳太守寧嘉墳。在長洲縣陽山。吳安離墓。在吳縣西四里。閭門南城內。吳地記曰。在泰伯廟南三百五十步。相傳在今閭門橋西城下。馬安樂。舊有袍座墓。嘉定十六年。提刑司被旨修城。此地多得古冢。皆莫詳其姓氏。且見吳郡墓下。漢書注。要離冢在吳西。伯鸞墓在其北。吳中公坐臣冢。郡國志云。在匠門西南。按祥符圖經云。在將門外。吳地記云。在平門外。衛公子冢。越

絕書。胥女南小蜀山春中君客衛公子冢也。去吳縣三十五里。吳將軍  
孫武冢。越絕書云。巫門外大冢。吳王客孫武冢也。去長洲縣十里。善為兵  
法。東漢書引。皇覽云。在吳縣東門外。吳地記云。在平門西北二里。吳俗傳  
其地名永昌。干將墓在長洲縣巫門外。干將與區冶同師。其妻曰莫邪。  
吳王使鑄劍。二干將匿其陰。王殺之。續記云。在將門外。郡中鐵工多取墓  
傍土以冶刀斧。吳郡志。吳地記曰。巫門本名干將門。門外有干將墓。後  
詭言為巫門。餘見土物條。越王冢。越絕書。燕山南。夏駕大冢者。越王不  
審名冢。去縣三十五里。越王史冢。越絕書。巫門外。宛山。大冢。故越王王  
史冢也。去長洲縣二十里。吳格冢。越絕書。虎丘北。莫格古賢者避世家。  
去長洲縣二十里。貴人冢。越絕書。土山春中君時治。以為貴人冢。次去  
吳縣十六里。漢朱梁墳在長洲縣要門東南二里。梁本名聲避和帝諱  
改為。為正議大夫治書御史中丞尚書。莫吳二郡太守。吳郡朱氏多其後  
也。塘北有顧三老墳。一作穆。按正議大夫。漢無之。冀州亦非冀郡。漢  
三老顧繇墳在長洲縣要門外。吳人辟有道。歷御史大夫。尚書令。殿上三  
老。明帝襲三代之禮。正月上日。踐辟雍。殿杖几。乞言受誨焉。吳丞相繇其  
裔孫也。事見顧况所撰廟庭碑銘云。刊石要門德輝不滅。碑亡。漢顧川

太守陸宏墳在長洲縣平門西北三里。或云在華亭縣西北四十里。漢  
豫章太守陸烈墳在長洲縣秦餘杭山。見吳地記。按詳符圖經引吳地記。  
虎丘山西北十里。有水名曰白坊。又北十里有胥屏亭。東岸有漢豫章都  
尉陸烈墓。漢山陰令陸寂墳在陸烈墳東二里。見吳地記。漢黃香墓。  
在常熟縣梅里鎮。香字文疆。江夏安陸人。性至孝。詳具東漢本傳。乾道初。  
梅里有蘇忠珣直。卜葬得古冢。乃黃香墓。碑刻皆隸字。首兩句八字中。二  
字不可識。此陵墓久。葬于博麻上九員。或云其碑陰乃會稽東都  
都尉張統諫。入有薛綜修祠日月題刻。其可辨者八字。子復孫。位登三  
事。蘇氏字歸子家。夜有光怪。昇桑甕承湖中。按寰宇記黃香墓在房陵縣  
東。漢蜀郡太守張康墳。俗名鳳凰墩。在吳縣界。俗云在閶門外。康考之  
氏族無所見。唐宰相李有漢蜀郡太守張姓。漢皋伯通墳在吳縣胥門  
外。號伯通墩。吳地志。漢馮煖墓在吳縣東北二里。即煖所居。死葬其側。  
至唐墓碣猶存。漢奉車都尉衡州刺史吳煇墓。吳地記云。在吳縣姑蘇  
山北十二里。胥口東岸。煇字光修。丹陽太守景之父也。漢梁鴻墓。在吳  
縣西四里。要離墓北。後漢書云。梁鴻字伯鸞。扶風平陵人。娶同郡孟光。字  
德輝。共至具依皋伯通。鴻閉門著書十餘篇。疾且困。告主人曰。昔延陵季

子葬於歲博之間慎勿令我子待喪歸去及卒伯通等求葬地於吳要離冢傍咸曰要離烈士而伯鸞清高可合相近葬畢妻子歸扶風唐陸龜蒙云在金昌亭傍幾一里續志云今閭門南城內法會庵西有古冢二相傳為要離梁鴻墓或云在閭門外金昌亭傍按南史宋少帝葬于金昌亭帝哭走出閭門則亭在城內是吳郡志在太伯廟南與要離墳相並陸龜蒙云伯鸞墓在吳門金昌亭下幾一里嘗作文以祭焉陸龜蒙詞云先生為五噫之歌漢天子聞而病諸南走乎大江之波客臯氏之宇下志沉潛而靡他白吳琴以舉舊夫人之勳亦多不懷土於將沒適乎道之無題此要離之烈鬼冢雖夫而不磨嗟余後先生之千祀聊奉奠而未過俯惟地而仰瞻願先生之謂何心徇性託客他之宇下不得故力耕而自穫所以法先生之義庶五噫之可學漢豫州刺史孫堅妻吳夫人及其子曾稽太守策三墓並在盤門外三里載於唐陸廣微吳地記即今齊昇院東南墓前有小溝曰陵浜祥符圖經云孫堅塋鄉俗稱為孫王墓按吳書堅死於初平三年年三十七策死於建安五年年二十六堅妻吳氏死於建安七年合葬堅墓黃龍元年權追尊堅為武烈皇帝廟曰始祖墓曰高陵吳氏為武烈皇后策為長沙桓王太元元年八月朔大風拔吳高陵松

相石碑跋即城南門飛落動昔陽秋云惠帝元康中其令河東謝詢表為  
孫氏二君置守冢五人修護掃除有詔從之其文張悅所作今載文選宋  
政和六年村民發墓輒皆作篆隸為萬歲永藏之文得金玉奇器甚多有  
泉西銀括初若聚花良久化為腐土并金掛頭十數枚金握臂或悉皆如  
新一瓦熏爐與近世陸墓所制略似而箱底灰炭猶存碑石斷缺厯餘中  
平年三字守將遽命掩之所得古物盡歸末嗣家洪舅香譜亦略載此事  
即揚友愛所賦孫豫州墓者是也洪氏三庚志云盤門外大家紹熙二年  
秋雨隕圯牧童入其間得銅器數種持償於市鄉人往視圯處蓋其隧首  
有石刻隸書云大吳長沙桓王之墓赤烏三年凡十二字知府沈揆亟命  
掩塞仍立石表其所勝歲為記表席之謂策死距赤烏三年已四十載豈  
非權稱制之久復改葬乎所得之器勝歲一小鏡其背有銘十四字一小  
麟鎮紙無款識以遺席之嘉熙中墓傍土中又得唐孫得琳墓志云開元  
十年窆于十四代祖吳武烈皇帝陵東南平地又按丹陽圖經載高陵在  
縣西練塘鄉吳陵港以傳記證之當是藁葬曲阿後遷于吳史不及詳載  
爾勝歲所記謂紹熙中從舉常平張體仁嘗命其屬表之題曰先賢墓徐  
誼屬歲考訂正從俗稱孫王墓成蓋專據陳壽說破虜葬曲阿獨指此為

伯符之墓。亦未詳。謝詢所表不審三墳同域。以友愛詩為差謬。故論說紛紜。自相抵牾。舊志既莫能是正。故詳載始末。云墳志云。魏吳綱立孫堅廟。晉取長沙王墓。與。按案字記。潭州有長沙王吳芮廟。并墓在長沙縣北。又長沙定王廟在縣東北。孫破虜祠在縣南。又在吳縣。吳郡志。孫破虜王墓記云。出盤門三里有高塚。或傳其冢。傳有火在側。曰萬歲永藏。問其僕。老人曰。孫王墓也。又曰。孫氏長沙王也。或傳其是世之說。遂嘗發取藏金玉。未竟敗復。有碑已斷缺不全。止辨有中平年三字。復掩之後。郡置室其旁。取土為磚埴。號官室。後又以。按民田收其上。前常平使者。初嚴家。建齊昇院。與孫墓相附。近阮育成。會彼他官將去職。一日始得其事。立命其屬教之。為之表者。不暇詢攷。題曰先賢墓。今使者以為失事實。不可示久遠。即命吳縣主簿劉元武訂其事。乃具塚所得冢旁老人之言。以報屬成。記之。按陳壽志。長沙王字伯符。始受漢爵為吳侯。太皇稱帝。追封長沙威王。而其子昭嗣封於吳。此墓當蓋侯時。有楊友愛詩。紹者作詩。而之乃以為孫破虜墓。陳壽志破虜墓。葬曲阿。楊詩固已差謬。則所傳長沙王首葬是。按中平元年。本為未破虜為佐軍司馬。計張角。楊蓋據碑有中平年字。故定以為破虜而不攷其史。江表傳載破虜為吳佐軍。留家壽春。長沙王

方十餘載。已能與知名士交。周瑜自行未壽春。勸王使舒。則碑之所稱。或  
為王也。人壽志及裴松所補孫氏自破虜而下。皆出所算地。獨王不言葬。  
而王之薨。其將周瑜呂範皆赴喪于吳。至大皇始用張詠計自吳徙秣陵。  
則王之墓當在吳也。然碑今既不存。欲訂而表之。其傳疑曰。孫王墓者。從  
俗稱也。齊紹序其詩。又稱蓋所得墓中物有東西銀杯金搔頭。金搔臂。瓦  
薰爐中灰炭猶存。其物皆歸家。實政和丙申也。前使者姓唐氏。名昧。  
仁字元善。今使者姓徐氏。字子宜。紹熙三年三月日記。楊友愛詩。閩  
閩城南荒之丘。昔誰葬者孫豫州。久無過客為下馬。時有牧童來放牛。居  
然珍寶出先塋。識者夜見蹤其由。玉環金盃到城市。土花不蝕餘千秋。州  
家麻門巫封守。賊曹掩骼窮姦偷。已知其中有可欲。亦恐未免無窮憂。嘗  
時義師奮四海。少日已無求與劉。英雄異世深如在。蒸露無乃為神羞。人  
生浮脆無可料。蜚蜚烏鳶從所求。高陵勸爾一杯酒。自古南山能鉅不。  
吳偏將軍步騭墳。吳地記云。在吳縣東北三里一百步。有石碑石羊。今臨  
頓東南。或作左威將軍。今為長洲。吳侍郎朱桓墳。在吳縣橫山。見吳地  
記。真娘墓。李公垂詩序云。真娘吳之妓人。歌舞有名者。死葬虎丘寺前。  
吳中少年從其志也。墓多花草蔽其上。雲溪友議云。墓在虎丘路傍。圖經

云在雲巖寺西南山下。唐人遊此者多有篇詠。進士譚銖亦題一絕。詞  
人之重色。由是稍稍息。筆館閣書目有貞娘墓詩一卷。吳郡志云。公垂詩云。  
一休繁艷春城盡。樹底門兒草上生。悲態自隨風燭滅。愛心難逐雨花輕。  
空消歲月空啼影。歎息梁塵有梵聲。還似錢塘蘇小小。秋應回首是鄉鄉。  
唐來子譚銖題云。虎丘山下家。松栢蕭條盡可悲。何事世人唯重  
色。貞娘墓上獨留詩。白居易詩。貞娘墓。虎丘道不識真娘鏡中面。唯  
見真娘墓。頭草霜摧。桃李風折。道真娘死時。猶少年。脂膚美。子不牢。固。世  
間尤物難留連。難留連。易銷歇。塞北花江南雪。王禹偁詩云。女命在  
于色。士命在于才。無才無色者。未死如塵灰。虎丘真娘墓。止是空土堆。香  
魂與魂骨。銷散如黃埃。何事十百年。一名長在哉。吳越多婦人。死即藏山  
隈。無色故無名。丘冢空崔嵬。惟此真娘墓。客到情徘徊。我是好名士。為爾  
傾一杯。我非好色者。後人無相咍。楊伯詩云。冰肌玉骨有遺粉。粉作  
嬌雲黛作煙。如有香魂埋不得。夜深巖底月中仙。晉廢帝陵相傳在常  
熟縣白茆市。侯白旌異記云。有盜發白茅冢。而棺內大吼如雷。野雄志。惟  
飛猷赫然。其盜多被燒死。按晉書廢帝妻字延陵。大和六年。桓溫廢為東  
海王。咸安二年。降封海西縣公。邑四千戶。四月。徙吳。太元十一年十一月。

甲申崩于吳。年三十五。與庾后合葬吳陵。晉司空何亮墓在吳縣西一十五里。岸墓山東一里。見家宇記。按史何氏過江自司空亮並葬吳西山。晉大尉陸玩墓在吳縣雞籠山。子納尚書令亦葬此山。按史玩卒給兵千人。家七十家。太元中以玩有佐命勲。先陪陵而葬。由是特置與平伯官屬以衛墓。則玩并當在建業。晉驃騎將軍嘉興元公顧彥先墓。家宇記云在長洲縣赤門外九里。或誤云上將軍陸廣微記云在吳縣東南二十里。側有左威將軍張敏墳。寔在今郡城對門東六里。長洲縣皇天蕩南二十九都鄉俗云顧榮墓。墓西有祠。題曰顧將軍廟。按晉書彥先卒於懷帝永嘉六年。時戴洋善風角。或問江南當有貴人。顧彥先周宣佩曾是否。洋曰顧不及臘。周不見。未年八月榮果以十二月十七日辛十九日臘。紀以明年七月晦日亡。沈約宋書武帝咸寧四年詔禁斷石獸碑表其犯者。雖會赦今皆當毀壞。元帝大興元年有司美故驃騎府主簿故恩營葬舊君顧榮。求立碑。詔特聽立。考其卒之歲在壬申而葬在戊寅。相距七載。乃晉室中興之時也。昔廬江太守關綽墓在長洲縣齊門東北二里。今有關墓村。綽德行清高。封關內侯。見吳地記。王墓虛舟客話云在長洲縣郡城東三里有水鄉曰王墓。父老相傳為晉右軍王逸少之墓。按右軍與

弟書云墳墓在臨川者行欲改移就吳中終是所歸 晉陸凱墓在長洲縣西鳳凰山 晉光祿大夫淮南內史朱誕家在長洲縣婁門外一里見寰宇記 晉吳國內史袁崧墳在吳縣橫山東五里 晉東曹掾張季鷹墳在吳縣橫山東五里 晉江蘇墓木漬孫起卿於天平山下地名上沙獲墓碑以大方輒刻之其略云墓養父諱本父通字畫俱存其親與石不異起卿有詩按譜通字墓給事中墓子秉之秉之子徽通並吳令諱無所考吳郡志起卿為賦詩 家有古塚碑近自田家獲歲之五六年未甚其石碌古苔沒文理封結殆莫識偶然嗟其窮一一為磨剔始若漫無文細尋通可讀大云晉江蘇長夜岳墓刻石石碌不用塊然但堤墳合葬無別銘背面書反覆一字不涉筆不校記明白二父遂兼書於通乃宗嫡志云養父諱本父通也考諸晉史篇真是小出入字畫亦極勁然不類錫斯漢魏尚豐碑此獨何禍迫豈時丁喪亂不暇如品式乎時義熙季歲次實庚戌五胡割中原典午窳南極苟簡理宜爾寧詒不孝責審訂既昭然疑去喜自適歷年七百餘晉祠駒說諸名節苟不傳埃化走瓦石實茲當眼前用代銘几席 瞿硎先生之墓在常熟縣直塘市廣安寺嘗浚塘得古塚刻碑稱瞿硎先生字鶴予廣川人隱居不嫁葬於東陵武丘寺重岡之

原。武丘蓋廣安舊額。今其地尚多瞿姓。晉書隱逸傳瞿研先生者。不得姓名。亦不知何許人也。太和末嘗居宣城郡界大谷山中。山有瞿研。因以為名焉。大司馬桓溫嘗往造之。既至。見先生被麻裘。坐于石室。神無忤色。溫及僚佐數十人皆莫測之。乃命伏滔為之銘贊。竟卒於山中。正猶孫叔敖。史失其名。得其碑乃知名。饒翬研之字亦近於此。梁給事黃門侍郎陸雲公墓在吳縣橫山。俗稱陸墓山。其墓北為陸士龍墳。今相傳為陸機墓。皆非是。雲公字子龍。武帝恩遇甚厚。太清元年。年三十七。帝悼惜之。詔射日舉哀。時錢五萬。布四十匹。雲公之子瓊初侍東宮。母隨在官舍。後主賞賜優渥。至德中。為吏部尚書。丁母憂。喪當還鄉。詔加賻贈。并遣謁者黃長貴持冊奠祭。後主自製誌銘。朝野榮之。瓊以哀毀卒。梁朝公主墓在長洲縣西北。即妙嚴尼寺後大丘也。相傳梁武帝之女。出降郡人孫瑒。此事即其故宅。迄今尚祀版位於佛殿。題為妙嚴公主。西去路直如矢。可百許步。河濱有一石馬。號石馬。隱云。故神道又著舊相傳墓上有廟。年遠蹟毀。惟廟前古柏存焉。按妙嚴寺置於太平興國元年。漢許將軍墓名。吳地記云。郡城通玄寺大殿東南角有漢許將軍墓。至唐改葬。歲禩既遠。故莫有知其處者。今寺所祀伽藍有許刺史。無將軍之稱。蕭天子墓。

慶元志云。在常熟縣寶嚴寺東。丁家灣之西。故老相傳云。蕭天子墓上有古木。樵牧不敢近。不知何帝也。按史。梁廢帝。海陵王。齊林王。皆為蕭鸞所廢。然不云葬吳。唐蕭存父。顧士。名播天下。王常虛異等皆執弟子禮。號蕭夫子。存嘗為常熟主簿。其父死。或葬於此地。不可知。恐是蕭夫子墓訛。夫作天耳。然史謂顧士客死汝南。又未知果葬於此否也。姑備所聞。以俟博識。又江陰志。蕭天子墓在良信鄉。有大土封。號倉堆。吳川志。相傳為蕭天子墓。人按。吳史。吳故華為江陰王。葬蕭子卿祠。陳太建二年。除侍中。得子。八就子卿買。吳陵中樹。皆出元。既此觀之。墓亦有自矣。陳黃門侍郎顧野王墓。在吳縣橫山東。平地不起墳。其地近越來溪。紹興中。碑石斷裂。尚巍然。植立。後為醉人推仆。碎于地。唐鸞臺侍郎顏崇墳。在吳縣泰伯廟西。唐吏部尚書姚邵之墳。在吳縣南五里一百步。見吳地記。唐閻將軍冢。在常熟縣勝法寺東。寺即元和中間入舍宅所置。唐莊府君墓。在嘉定縣城南門外。護國惠忠侯墓。在嘉定縣外埕之西。孫朝儀墓。一在嘉定縣城西。護國寺後。一在項涇西。二在集仙宮東。其子墓也。譚太史墓。在嘉定縣月浦。趙儀曹墓。在嘉定縣登平橋北。唐贈補闕陸龜蒙墓。在長洲縣甫里。傍有白蓮寺。撫言龜蒙中和初卒。給事顏堯為誌。吳。